


## BONO MAIRE, ES BÈN MARSİHO...

De-bon, floucounjavo, la nèu revoulunavo coume sus li gràndi cimo dóu païs gavot... li Marsihés se n'en souvendran d'aquel an.

Pajo 12



# Prouvènço aro

Tóuti li mes, lou journau de la Prouvènço d'aro

Febríe 2009

n° 241

2,10 €

## Lou loup au Tiatre de la Rampe

Lou tiatre de La Rampe prepauso un nouvèl espetacle : **Lou Loup / Lo Lop.**

Lou loup, es lou loup. Tout lou mounde lou cou-nèis, o quasimen...

- *Mai, coume es?*
- *Qu ?*
- *Lou loup!*
- *Ah... lou loup...*
- *Alor, coume èro?*
- *Queto questioun ! Marrit, de-segur!*
- *Mai, vertadieramen marrit??*
- *Evidentamen. Vertadieramen marrit . Marrit coume un loup.*
- *E tóuti li loup soun marrit?*

E aro, es que parlan pas dóu retour dóu loup? Li vièii pòu dóu passat gregeion e em' éli, nosto curiosita.

L'espetacle es tour à tour un tiatre d'oumbro, counta e dialouga. Diferènt tèmo ié soun abourda: la pòu, la culpabilita, la tristesso, l'in-noucènci o encaro la sauvajarié.

Se n'en cresèn l'istòri, lou loup es coumpara au diable e i masco. Fourbe, cruau, vioulènt, marrido bèsti lèsto à tout pèr satisfaire sa fam, Loup vitimo e quàu-qui fes bedigas dins l'afaire.

L'espetacle se prourra :

- **Divèndre 6 de febríe** à Niouns (26), Oustau de Païs, à 10 ouro e 15 ouro.
- **Dijòu 12 de febríe** à Sant-Pau-en-Fourèst (83), Salo Coumunalo à 2 ouro 30.
- **Divèndre 13 de febríe** à Peirollo-en-Prouvènço (13), Salo Mistral à 9 ouro 45 e à z-Ais-de-Prouvènço (13), Escolo di Platano à 3 ouro.
- **Dimars 17 de febríe** à Maiano (13), Salo Frederi Mistral à 9 ouro en Arle (13), Mas des Jasses de la vilo, e Pont-de-Crau à 3 ouro.
- **Dijòu 19 de febríe** à Vernègue (13), Salo di Fèsto à 10 ouro e Cazan (13), Salo Sociò-Culturalo à 3 ouro.
- **Divèndre 20 de febríe** en Aurenjo (84), à la Calandreta La Granatiera à 3 ouro 15.

Pèr mai d'entre-signe:  
AEL'OC ourganisaire: aeloc.aeloc@yahoo.fr -  
La Rampe-TIO: Stella Fontana :  
04.67.58.30.19, stella@larampe-tio.org.

Lou Tiatre de La Rampe, a tambèn adouba un forço bèu libret à l'usage dis ensaignaire ounte recampo la representacioun dóu loup dins la travessado di siècle. Es en raport emé li tematico de l'espetacle e s'acabo emé d'eisercice à l'usage di pichot.

Es telecargable sus Internet sus lou site:  
www.larampe-tio.org.

# Lou Port-vièi



## Lou parla

Nosto lengo se sauvara s'assajan de l'estaca à la carreto mieterrano e moundialo di lengo latino...

Pajo 2

## La Plumo

Lou P.E.N. Clube de Lengo d'oc vèn de respeli emé de nouvès estatut e un baile plen d'estrambord...

Pajo 3

## Lis elefant

Annibau a passa lou Rose en l'an -218 av. J.-C., emé 37 elefant, e sian toujours à se demanda coume a fa...

Pajo 6

## Vuejo-granié dis Arlatenco

Lou dimanche 15 de febríe 2009 se debanara à la Manado Aubanel (Sant Gile, direicioun Arle, Routo de Fourco, Manado Pèire Aubanel, à gauch 2 km - Parking assegura), de 10 ouro à 6 ouro, lou tradiciounau Vuejo-granié dis Arlatenco emé dentello, costume, fichu, broudarié e lou bada... dins uno salo caufado.

En deforo, s'espandira lou Bric à brac di Gardian.

Avès dos poussibilita: - avès proun de causo pèr teni un estand (20 eurò). - avès que quàuqui besigougnou, nous li poudès fisa contro un reçauput e assajaren de vous li vèndre. La recuperacioun dis invendut en fin de tantost o versamen di soumo encaissado.

Lou doursié d'iscripcioun pèr lis espasant es fourni sus simple demando à Atousud : atousud@free.fr. Li proufessionau soun pas aceta. Bevènd, restauracioun rapido tout de long de la journado.

Atousud - 89, Impasse Saute Mittau 30000 Nîmes - atousud@free.fr . Tél. 06.09.25.36.05 e 06.78.30.62.73. www.atousud.camargue.fr/